

Bondia!

Ha'u nia respeitu ba Sua Eselénsia Prezidente Parleменту Nasional, Ministru Fidelis Leite Magalhães no kolega-sira hotu husi governu, sosiedade sivil, no setór privadu.

Ha'u mós hakarak atu agradese no fó bemvindu ba ekipa Millenium Challenge Corporation husi Washinton, DC, ne'ebé mai hamutuk ho ita ohin iha eventu importante ida ne'e.

Obrigada ba oportunidade bele hamutuk ho ita-boot sira iha dader ne'e hodi selebra lansamentu Governu Timor-Leste nia Ekipa Dezenvolvimentu Kompaktu.

Ha'u hakarak aproveita oportunidade ida ne'e hodi rekoñese progresu ne'ebé Timor-Leste halo ona iha dezenvolvimentu ba ninia MCC Compact. Agradese ba lideransa Ministru Fidelis Magalhães nian, Diretór Ezekutivu Nasionál interinu Mariano Carmo, no *MCC Country Team Lead* Hana Freymiller.

Ha'u hakarak kongratula Governu Timor-Leste, Embaixadór Constancio Pinto no Ekipa Dezenvolvimentu Kompaktu ba sira-nia empenhu hodi dezenvolve programa ida ne'ebé fomenta ekonomia forte, kriadora ba empregu, prodús oportunidade foun-sira ba kresimentu hodi redús kiak no promove avansu iha estabilidade rejionál.

Estadus Unidos Amérika no Timor-Leste nu'udar parseiru metin, no ita espera kontinua kolabora hodi dezenvolve projetu-sira ne'ebé kontribui ba kresimentu ekonómiku no lori benefísiu-sira ba Timoroan hotu-hotu.

Hanesan ita-boot sira hatene ona, Millennium Challenge Corporation, ka MCC, hanesan ajénsia inovadora ajuda eksterna Estadus Unidos Amérika nian. MCC nia misaun maka hamenus kiak liuhusi kresimentu ekonómiku.

MCC harii bazeia ba prinsípiu-sira atu fó benefísiu ba nasaun-sira ne'ebé ho governasaun forte, halo investmentus bazeia ba dados, no evidénsia-sira no kapasita nasaun-sira atu lidera rasik sira-nia dezvoltimentu.

Buat ne'ebé halo MCC diferente ho doador-sira seluk maka ninia kompromisu atu nasaun maka sai nain. Ne'e signífika nasaun parseiru-sira dezeńa programa-sira bazeia ba sira-nia prioridades rasik. Ne'e programa ida ne'ebé verdadeiramente Husi Timor ba Timor.

Ho Timor-Leste no MCC avansa ba oin iha faze foun dezvoltimentu ba kompaktu ida ne'e, xave ba ita-nia susesu maka forsa husi parseria entre ita-nia ekipas rua ne'e.

Ha'u fiar katak parseria longu-prazu entre Estados Unidos Amérika no Timor-Leste sei rezulta iha kompaktu tranformativu ida ne'ebé hasae oportunidade-sira ba Timoroan hotu-hotu.

Iha ne'ebé Estados Unidos Amérika ba, ami buka harii parseria. Timor-Leste ida ne'ebé prósperu, demokrátiku no seguru, ne'e di'ak ba Estados Unidos Amérika, dia'k ba rejiaun, no di'ak ba mundu.

Atu konklui, Kompaktu ida ne'e hanesan kapitulu foun liu iha ita-nia nasaun rua nia relasaun, no ha'u espera sai testemuña ba saida maka ita-nia parseria sei halo sai posivel ba povu Timor-Leste.